



# Il mas-chalch da Sent

Publicaziuns ufficalas. Cumpara seguond bsögn.

2006/2008

no. 35

7554 Sent, 19 lügl 2007 / mw

## Publicaziun da fabrica

**Reguarda:** Porta, lobia e s-chala vers nord, Sur En 328, parcella no. 9014

**Patrun da fabrica:** Schiess Peter, Sur En 328, 7554 Sent

**Profilà:** 21.06.2007

**Publicaziun:** 19.07.2007

**Termin da protesta:** 08.08.2007

## Publicaziun da fabrica

**Reguarda:** S-chodamaint solar, Sala 279, parcella no. 53

**Patrun da fabrica:** Buchli Jürg, Süsswinkel 26, 7023 Haldenstein

**Profilà:** 14.07.2007

**Publicaziun:** 19.07.2007

**Termin da protesta:** 08.08.2007

**Ediziun:** Tuot ils plans sun exposts in büro cumünal.

**Recuors:** Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

## La cumischiun da fabrica

**Avis da duonna dr. med. Iris Zürcher, Curtin 13, 7554 Sent /**

**Mitteilung von Frau Dr. med. Iris Zürcher, Curtin 13, 7554 Sent**

La pratcha resta serrada da gövgia, ils 26 lügl 2007 fin dumengia ils 12 avuost 2007 causa vacanzas.  
*Die Arztpraxis bleibt von Donnerstag, 26. Juli 2007 bis Sonntag, 12. August 2007 wegen Ferien geschlossen.*

In cas urgients dà il nomer da telefon **144** cuntschaint che meidi da chasa chi ha piket. *In dringenden Fällen erfahren Sie über die Notfall-Nr. 144, die Telefonnummer des diensthabenden Hausarztes.*

**Dna. Dr. med. Iris Zürcher**

## **25 lügl: Cumgia dai cristianissem...**

L'Europa piglia cumgià da sia ierta cristiana. Il muond modern nun as cumporta plü cul muond vegl da la Bibla. Las ciencias e las tecnicas ans cunfruntan cun ün oter muond. Ils dis sun plains eir "sainza Dieu". Referats e discussiuns: rum./tud. a las 20.00 – 22.00 in chasa da pravenda. Entrada libra. Manader rav. Jörg Büchel.

## **26 lügl – 30 avuost: Vias a quietezza e forza**

Meditaziun averta mincha gövgia saira a las 20.00 (fin ca. 21.00). Rum./tud.  
Als 26 lügl in chasa da pravenda, uschigliö in baselgia.  
Manader rav. Jörg Büchel

## **7 – 8 avuost: Davomezdis per uffants**

Tuot ils uffants da la scouline amunt sco lur fradliuns plü pitschens sun invidats a tour part ill'istorgia da Noe: a fabricar ün'archa, ad as müdar in lur bes-cha prediletta, a giovar aint illa bella natüra da Tramblai. Reuniun davant baselgia a las 14.00. Chi ans maness giò cul auto? Inavo gnina culla posta da las 17.00. Manaders: Rav. Jörg Büchel, Regula Felix, Madlaina Franziscus e chi chi s'annunzcharà amo per güdar.

### **La pravenda**

## **12 avuost: Cult divin e festa aint in alp Laver**

9.30 Partenza davent da Plaz  
11.00 Predgia  
12.00 Ustaria averta, giantar cumünaivel  
In cas dad ora malsgüra tel. a Jörg Büchel, 081 864 87 28 davent da las 8.00.

### **La soc. chascharia ed alp e la pravenda**

## **Urari da la biblioteca**

La biblioteca es averta:

- Dürant il mais lügl ed avuost:  
lündeschdi: 19.30 – 21.00      gövgia: 19.30 – 21.00      sonda 16.30 – 17.30
- Davo ils 1. settember:  
lündeschdi: 16.00 – 17.00      gövgia 19.00 – 20.00      sonda 16.30 – 17.30

### **La gruppa da biblioteca**

## **Avis – Leger giò l'ura da l'aua**

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal fin il plü tard ils **10 avuost 2007**. Il Cumün as resalva il dret da far controllas da las indicaziuns.

-----Tagliar

## **Indicaziun – ura da l'aua 2007**


Stadi da l'ura da l'aua: ..... als .....

Chasa no. .... Possessur: .....

Quist fögl po gnir büttà aint illa chartera dal Cumün pro l'entrada da la chasa cumünala fin als **10 avuost 2007**.

### **La schefa d'aua e chanelisaziun**

## la grupp d'interess "ballarait beach" tschercha sustegn finanziel

				
				2'000.-fr.
				4'000.-fr.
				6'000.-fr.
				8'000.-fr.
				10'000.-fr.
				12'000.-fr.
				14'000.-fr.
				16'000.-fr.
				18'000.-fr.
				20'000.-fr.
				22'000.-fr.
				24'000.-fr.
				26'000.-fr.
				28'000.-fr.
				30'000.-fr.
<p>Stimada populaziun da Sent <span style="float: right;">■ = 50.- fr.</span></p> <p>Als 22 da november dal 2006 ha la radunanza cumünala acceptà ün credit per realisar la prüma etappa dal proget "plazzal da sport". In quist proget manca però la plazza da "ballarait-beach". Cun quai cha'l gö dal ballarait es daspö bundant 25 ons il sport "naziunal" da nos cumün es il giavüsch da pudair realisar eir üna tala plazza evidaintamaing grond.</p> <p>Cuosts: 50'000.-fr.</p> <p>La grupp d'interess fa quint cullas seguintas entradas:</p> <p>aignas prestaziuns: <span style="float: right;">10'000.-fr.</span></p> <p>differentas activitats (marchà d'utuon, lotto ...) <span style="float: right;">10'000.-fr.</span></p> <p>Per pudair financiar il vanz da 30'000.-fr. ans permettaina da'ls dumandar üna contribuziun vi da quel import. La situaziun actuala da las donaziuns vain publichada regularmaing aint ils prossems mas-chalchs e suot <a href="http://www.sent-online.ch">www.sent-online.ch</a>. (Id es eir pussibel da restar anonim.)</p> <p>No ingrazchain cordialmaing. per la grupp d'interess</p> <p>la suprastanza: Dumeng Jann, Rico Zini, Marianne Werro, Andri Guler, Mario Riatsch, Andri Gritti</p>				
Palatini AG	1'000.-fr.	+ diff. lavurs	Annursina e Rico Zini	100.-fr.
Firma Radiar (Sedlacek)	1'000.-fr.		Marianne e Claudio Werro	50.-fr.
ÖKK	300.-fr.	Fundaziun Giovannina Bazzi-Mengiardi		5'000.-fr.
Vre e Roberto Bertschinger	100.-fr.		Patrizia e Mario Tschalär	50.-fr.
Iris Zürcher	100.-fr.		Annatina e Martin Noggler	50.-fr.
Flurina e Dumeng Jann	100.-fr.		Seraina e Mario Riatsch	50.-fr.
Celltec AG	700.-fr.		Brigitte e Christian Werro-Roth	100.-fr.
Ladina e Valentin Guler	100.-fr.		Sara ed Artur Noggler	100.-fr.
Pauraria Crusch	500.-fr.		Gianna Bettina ed Andri Gritti	100.-fr.
Domenica e Cla Rauch	100.-fr.	Corporaziun dals cumüns conc. da las OEE		5'000.-fr.
Tina Maria ed Arno Ritz	50.-fr.		Nesa Caviezel ed Otto Roner	100.-fr.
Susanne e Chasper Ruben	100.-fr.		Madlaina e Roland Franziscus	50.-fr.
Benderer Cuvratets ScrL	100.-fr.		Impraisa da fabrica, Frars Buchli	300.-fr.
Nesa Valentin	50.-fr.		Patrizia e Gian-Claudio Wieser	50.-fr.
Elisabeth e Cla Sarott	100.-fr.		Madlaina e Ludwig Noggler	60.-fr.
Annatina ed Armon Nuotclà	100.-fr.		Anonim	50.-fr.
Andreas Wetter-Sulzer	100.-fr.		Uina SA, chava da glera, Sent	1'000.-fr.
Leta e Carl Mosca	100.-fr.		Emilia e Jachen Stricker	50.-fr.
Ruth ed Alessandro Folini	100.-fr.		Erna Falett	50.-fr.
Natascha e Fabio Lo Tufo	50.-fr.		Ursina Margadant e Gisep Stricker	100.-fr.
Garascha Zanetti, Sent	250.-fr.		Priska Simeon e Marco Scandella	100.-fr.
Jürg Lippuner	100.-fr.		Ermina Vital	50.-fr.
Allianz Suisse (D. Valentin)	200.-fr.		Flavio Vital	50.-fr.
Anton Schmidt AG, Stron 249	100.-fr.	Firma Ernest Vital, Installaziuns sanitarias		200.-fr.
Seraina Valentin ed Andri Guler	100.-fr.		Gruppa da gö Tartarugas Sent	500.-fr.
Flurinda e Georg Salomon	50.-fr.		EE-Energia Engiadina	2000.-fr.
Club da ballarait Sent	200.-fr.		Cilgia e Claus Haas	100.-fr.
famiglia Monika Bluntschli	100.-fr.	Lischana Fiduziari SA, Andri Linsel e Cristina Gregori		500.-fr.
Jacob Linsel	50.-fr.		famiglia Babina e Chasper Planta	150.-fr.
Carolin ed Andri Pua	60.-fr.		Madlaina e Gerhard Hauser, Ramosch	100.-fr.
Hotel Val Sinestra	100.-fr.		Andrea Buchli, affar da pittur	100.-fr.
Scoula secundara, Sent	230.-fr.		Ruth e Johannes Flury, Jenaz	400.-fr.
Martina Noggler	100.-fr.		Corina e Men Caviezel	100.-fr.
Mader Transports	100.-fr.		Nesa e Thomas Hugentobler	100.-fr.
Claudia Taverna	100.-fr.		Regula e Chasper Alexander Felix	100.-fr.
Bacharia Juon	200.-fr.		Butia Schlerin Cafè creativ	100.-fr.



Amt für Jagd und Fischerei Graubünden  
Ufficio per la caccia e la pesca dei Grigioni  
Uffizi da chatscha e pestga dal Grischun



PARC  
NAZIUNAL  
SVIZZER

## L'uors es üna bes-cha rapaza: tgnai distanza!

Daspö l'on 2005 sun darcheu gnüts observats singuls uors brüns in Grischun, davo cha quai nun es plü stat il cas dürant bundant tschient ons. Las bes-chas derivan dal Trentino, dad üna populaziun dad uors ch'i'd es gnüda rinforzada cun agüd da recolonisaziuns. Scha'ls uors han be paca temma dals umans, esa da far specialmaing attenziun.

### **Che far, sch'eu chamin tras ün territori dad uors?**

Restai süllas sendas ufficialas. Scha vais l'impreschiun ch'ün uors as rechatta i'ls contuorns, scha chattais stizis frais-chs dad uors o sch'As sentis malsgürs, As fat dudir cun discuorrer u chantar. Uschè ha l'uors temp da scappar avant ch'i vain ad ün inscunter.

### **Che far, sch'eu vez ün uors?**

Scha vezzais ün uors, restai calm! Stat salda e provai dad incleger la situaziun. Scha quai es pussibel, provai d'As retrar sainza cha l'uors bada. Scha l'uors As vezza, As fat remarchar. Discurri cun vusch calma ma clera e fat moviments plans culla bratscha. Na cuorrer davent ed **in mincha cas nu provar da s'avicinar a l'uors**. Na provar da s-chatschar l'uors cun gests innatschants ed abrupts. Na büttar ogets sül uors e nu provar da far fotografias. Scha l'uors nu fügia adonta da quistas masüras, s'allontanai sainza laschar our dals ögls la bes-cha.

### **Che far, scha l'uors as drizza sü?**

Quai nun es ün cumportamaint d'innatscha. Uors sun buondrius e's drizzan sü per surverer la situaziun. Eir in quist cas vala il seguaint: stat salda ed As fat remarchar cun discuorrer in maniera calma. Evitai il contact culs ögls.

### **Che far, sch'ün uors attacha?**

Il privel da gnir attachà dad ün uors brün european es pitschen, plüchöntsch daja attachas da finta. Sch'i vain tuottüna ad ün'attacha, As laschai crudar davo il prüm contact corporal cul uors. As mettai in vainter u ingramüscharts per terra, ils mans sülla tatona. Scha portais üna buscha, protegia quella vossa rain. Spettai fin cha l'uors s'ha allontanà avuonda avant co star sü. Scha reagis massa bod, pudess quai provochar üna prosma attacha.

### **„Scumandà da pavar!“**

Scha l'uors bada cha l'uman furnischa nutritüra, esa finì culla timidità. El tschercharà alura intenziunadamaing la vicinanza da l'uman, quai chi maina a situaziuns privlusas. Perquai vala il seguaint: mai pavar ün uors, nu laschar inavo immundizchas e vanzadüras (p. ex. pletschas da banana) sün vossas gitas. Eir composts e canisters cun öli da coltscha (dovrats dals silvicultuors) pon esser funtanas da nutritüra pels uors. Uors pon eir chaschunar conflicts cull'agricultura. Els pon s-charpar bes-chas chasanas (cuntermasüras: pasters e chans da protecziun), destruir chamonnas d'aviöls e masainas in tschercha da meil e da larvas e s-charpar ballas da silo (far saivs electricas).

Scha observais ün uors brün u scha vais dumondas, contactai per plaschair ün dals seguaints posts:

Uffizi da chatscha e pestga dal Grischun  
Parc Naziunal Svizzer

081 257 38 92  
081 856 12 82